

wort Aber des löwen mütt was so in zorn enbrunnen vñ schlug  
Senespa so groß wunden das senespa tod belüb / vnd do der löw  
sach senespa tod ligen do besach er in vnd ward betrübt in sin/  
em gemüt das er on redlich erfindung warheit vnd rechtes  
Senespa vom leben zum tod vnd sin blüt vergossen hett /



**H** Is nun kellila dis gesehen het / do sprach er zu dynt  
na lüg das end dimer werck vnd dimer red die stry /  
lich böß sind Wann du hast den löwen betrübt vnd  
Senespa ertödet vnd die hertzen des ganntzen  
hoffs verkert gegen dem künig das sy schrecken ab  
diser sach genümen So sy den künig bis her allzyt güttig erfun-  
den vnd yetz so tyrannisch gesehen haben / vnd zu dem allem ist  
zu besorgen das din güt wort damit man dich bis her globt vnd  
lieb gehabt hat gantz zu halsz kumen werd So sy dis din übel /  
tat befinden Wann es ist vnmüglich das es mit offenbar werd  
Hast du nie gehört dz ein bößer rat ist wer krieg oder blüt ver-  
giessung sücht Wann sich soll ein wyser vor krieg bewaren So  
ferz er mag / ouch sinem herren den on mercklich vrsach an zu  
wahren mit raten Wann sin vfgang ist zwyselich vñ man spricht